



GASTEIZKO GAZTERIAREN BEHATOKIA

Behatokia gazteen errealitatea behatu, aztertu eta hari buruzko ezagutza osatzeko etengabeko tresna da. Behatokiak aipatu errealitateari buruz eremu guztietako adierazle esanguratsuak jaso eta aztertuz egiten du lan.

Errealitate etengabe aldakor horri buruzko ezagutza eguneratu eta sistematizatzearen, eta errealitate horretan suma daitezkeen etorkizuneko joerak aurkitzeko beharrak sustatu du Behatokiaren sorrera. Horregatik, bere lehen helburua gazteengan eragitea da, Udalaren II. Gazte Planak eskaintzen dituen erantzunak gazteen behar eta itxaropenen arabera egokituz.

Udalaren II. Gazte Plan honetan inplikatu diren udal eragile guztiei banatuko zaizkie Behatokiaren informazioa eta analisiak. Ikuspegi horretatik, beraz, tresna baliagarria bihurtuko da, ez soilik berariaz gazteriaren inguruko gaietarako, baita gazteei eragiten dizkieten politika zeharkako eta sektorekoak diseinatzen laguntzeko.

ZERGATIK?

Udalaren II. Gazte Planaren helburu diren gazteak eta beren errealitatea, tresna hau adierazle esanguratsuak jaso eta aztertzeko egitura integratu eta global gisa utzi behar dugu, errealitate horren bilakaeraren azterketa izango baita aurrera begirako joerak aurreikusteko lanabesa.

Errealitatea ez dago tankan itxiriko konpartimentutan banatuta, ezin dugu errealitatea Udalaren eremu berezitu bakoitzetik eginiko analisi zatikatutara mugatu. Gure ustean, adierazle bakoitzak, datu bakoitzak, zentzua dauka baldin eta planteamendu global jakin batean kokatzen bada, adierazleen bilakaera konparatzeko aukera emateko moduan, sarri askotan elkarlotuta daudelako; esaterako, eskola-uzte goiztiarra eta enplegu ez kualifikatua, absentismoa eta kontsumo txikiak, 30 urte baino lehenagoko emantzipazio-tasa txikia eta gazte-lonjen fenomenoaren hedapena.

Esku artean dugun kolektiboa, gazteria alegia, sakon ezagutzea eskatzen du gizartean duen garrantziak. 2010eko urtarrilaren 1ean, 14 eta 29 urte bitarteko 41.619 gazte zegoen Gasteizen (20.215 emakume eta 21.404 gizonezko); etxebizitza kontuak direla eta adina 35 urteraino eramanen gero, beste 25.759 gehitu behar.

Bestalde, errealitatea oso da anitz eta heterogeneoa. Dela adinaren arabera eskala bertikalean (15 urtekoek eta 28koek zerikusi gutxi dute elkarren artean, beharren, nahien eta ohituren aldetik), dela horizontalean, non estilo, ohitura, portaera eta beharren aniztasuna adin jakin batean handia de benetan, hainbat faktoreren arabera: sexua, jatorria, kapital soziala, hezkuntza-maila...

ZER?

Holakoa da bildu eta jaso nahi dugun informazioa:

- Sistematizatua, gailentasun eta egokitasunagatik hautatutako adierazleen arabera.
- Eguneratua eta eguneragarria.
- Udalaren Gazte Planaren ikuspegiari erantzungo diona.
- Kanpoko eta barneko datuez osatua.
- Erabilgarria Udalaren Gazte Planarentzat berarentzat eta Gazteria Zerbitzuarentzat, baina baita inplikaturako beste eragile guztientzat ere.



Informazioa behaketa-eremuen arabera antolatuko da:

- Enplegua, enplegurako prestakuntza, lan-baldintzak, lan-merkatua...
- Etxebizitza
- Parte-hartzea, boluntarioritza eta lankidetzak
- Kultura
- Osasun fisiko eta psikologikoa, elikadura, sexualitatea, droga-mendekotasunak
- Kirola
- Mugikortasuna, garraioa
- Ingurumena, iraungarritasuna, bide hezkuntza, kontsumoa
- Berdintasuna
- Hezkuntza
- Euskara
- Aisialdia, lonjak eta gazte-lekuak
- Immigrazioa
- Irisgarritasuna
- Egoera sozialki ahulak
- Komunikabideak
- Zeharkakotasuna eta udal planak
- Informazio beharra
- Aholku beharra

NOLA?

1. Berezi ditugun –eta Udalaren Gazte Planak barne hartzen dituenekin bat datozen– behaketa-eremuen gaineko errealitatea ezagutzeko adierazle esanguratsuen hautaketa.
2. Adierazleak hainbat iturritatik bildu eta tratatuz:
 - a) Gazteria Zerbitzuaren beraren zerbitzu edo programak.
 - b) Udalaren II. Gazte Plan honen barruan garatuko diren ekintzak.
 - c) Beste udal sail batzuetako iturriak, bereziki Ikerketa Bulegoak...
 - d) Beste erakunde batzuetako aldizkako iturriak.
 - e) Inkesta zuzenak eta bestelako teknikak (eztabaida taldeak, elkarrizketak...).
3. Datuen analisia, Udalaren II. Gazte Planarekin zerikusia duten beste sail eta eragile guztiekin, Behatokiko sei hileko txostenak osatuz.
4. Datu eta txostenen hedapena Udalaren II. Gazte Planarekin zerikusia duten beste sail eta eragile guztiei.

Prozesuak barne hartzen dituen lau urrats horiek hainbat eginkizun eskatzen dituzte, Udalaren II. Gazte Planaren teknikarien, inplikaturiko beste sailen eta Planarekin zerikusia duten beste eragile batzuen artean egitekoak.

Esan bezala, eragile inplikatuak informazioa emango zaie, baina horrez gain beste bitarteko osagarri batzuen bidez ere zabalduko da, esaterako udalaren web orrian (Gazteria Zerbitzuaren atala) eta komunikabideetan. Hartara, informazioa pertsona gazteengana eurengana iritsi ahal izango da.



NOREKIN ETA ZEREKIN?

Behatokia garatu eta ebaluatzeko ardura izango duten Giza baliabideak Udalaren II. Gazte Planaren teknikariak dira, baina beraiekin batera erantzunkide dira baita Gazte Planaren baitan datuak emateko, eta analisiak egin eta ondorioak zabaltzeko zerbitzu eta sailetan izendatutako teknikariak.

Laguntza berezi eta benetan nahitaezkoa izango da Ekonomia Sustapen eta Estrategia Plangintzaren Sailak emango diguna.

Baliabide materialen bidez Behatokiak lagun izango dituen zeregin osagarriak jorratuko dira: lan-topaketak, inkestak, bildutakoz aztertzeko hitzarmenak...

NOIZ?

- 1- Behatokia abian jartzea
- 2- Koordinazioa sortzea udal sailekin eta bestelako erakundeekin
- 3- Adierazleak hautatzea...
- 4- Adierazleak bildu eta mantentzea
- 5- Behatokiaren txostenak osatzea
- 6- Hedapena, web-orriaren eta prentsaren bidez

	2010eko 1. seihilekoa						2010eko 2. seihilekoa						2011ko 1. seihilekoa					
	U	O	M	A	M	E	U	A	I	U	A	A	U	O	M	A	M	E
											z	b						
1	█																	
2	█	█	█	█	█													
3	█	█																
4	█	█	█	█	█	█	█	█	█	█	█	█	█	█	█	█	█	█
5						█						█						█
6							█						█					

	2011ko 2. seihilekoa				2012ko 1. seihilekoa				2012ko 2. seihilekoa									
	U	A	I	U	A	A	U	O	M	A	M	E	U	A	I	U	A	A
					z	b											z	b
1																		
2																		
3																		
4	█	█	█	█	█	█	█	█	█	█	█	█	█	█	█	█	█	█
5						█						█						█
6	█						█						█					